

Ո Ր Ո Շ ՈՒ Մ թիվ 262
վարչական տույժ նշանակելու մասին

«11» նոյեմբերի 2022թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Իրանի Իսլամական Հանրապետության քաղաքացի Ահադ Ալիոեզայի Կալավանիի կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի սեպտեմբերի 11-ին ՀՀ ՊԵԿ ՄԴՊՎ ՍՏԲ Մեղրիի բաժանմունքի և ՀՄՎ Մեղրիի մաքսային կետ-բաժնի աշխատակիցները համատեղ, Մեղրիի մաքսային կետ-բաժնի տարածքում մաքսային զննության են ենթարկել ԻԻՀ-ից ՀՀ ժամանած, ԻԻՀ քաղաքացի Ահադ Ալիոեզայի Կալավանիի կողմից վարվող «PILSAN C7H-AT» մակնիշի, 93AA133/4 պետհամարանիշի բեռնատարը: Ձննման արդյունքում տրանսպորտային միջոցի վարորդի խցիկի քնատեղի ներքնակի տակից հայտնաբերվել է մաքսային հսկողությունից թաքցված «VEE'S NANOTEK WHITE» գրառմամբ 37 բլոկ, «ROYAL ORCHID» գրառմամբ 3 բլոկ ծխախոտներ:

11.09.2022 թվականին ՀՀ ՊԵԿ ՄԴՊՎ ՍՏԲ Մեղրիի բաժանմունքի ավագ մաքսային տեսուչի կողմից քաղաքացի Ահադ Ալիոեզայի Կալավանիի նկատմամբ ՀՀ մաքսային օրենսգրքի 201-րդ հոդվածի հատկանիշներով հարուցվել է մաքսային կանոնների խախտման վերաբերյալ վարույթ, իսկ վերոնշյալ ապրանքները, որպես իրավախախտման անմիջական օբյեկտ, վերցվել և ի պահ են հանձնվել Մեղրիի մաքսային կետ-բաժնի պահեստում:

Վարչական վարույթի շրջանակներում մաքսային հսկողությունից թաքցված ծխախոտների շուկայական արժեքները պարզելու նպատակով 16.09.2022 թվականին նշանակվել է ապրանքագիտական փորձաքննություն, որի կատարումը, հիմք ընդունելով ՀՀ ՊԵԿ-ի և ՀՀ ԱՆ «Փորձագիտական կենտրոն» ՊՈԱԿ-ի միջև առկա պայմանագիրը, հանձնարարվել է «Փորձագիտական կենտրոն» ՊՈԱԿ-ին:

Վարչական վարույթի շրջանակներում թիվ 287 մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու վերոնշյալ ապրանքների մաքսային արժեքները և վճարման ենթակա մաքսային վճարների չափերը:

ՀՀ ՊԵԿ Հարավային մաքսատուն-վարչության թիվ 331 մտից համարի տեղեկանքի համաձայն՝ 2022թ սեպտեմբերի 11-ի դրությամբ «VEE'S» անվանումով «NANOTEK WHITE» տեսակի ծխախոտի մաքսային արժեքը կկազմեր **192400** ՀՀ դրամ, «ROYAL ORCHID» անվանումով «NANO BLUE» տեսակի ծխախոտի մաքսային արժեքը կկազմեր **19500** ՀՀ դրամ:

ԵՏՄ մաքսային օրենսգրքի 2-րդ հոդվածի 1-ին մասի 25-րդ ենթակետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ

վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ **եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:**

Վարչական վարույթի շրջանակներում հարցում է կատարվել ՀՀ Ոստիկանության անձնագրային և վիզաների վարչությանը՝ նպատակ ունենալով պարզել քաղաքացի Ահադ Ալիոեզայի Կալավանիի հաշվառման վայրը:

Ի պատասխան հարցման ՀՀ Ոստիկանության անձնագրային և վիզաների վարչությունը տրամադրել է տեղեկատվություն առ այն, որ քաղաքացի Ահադ Ալիոեզայի Կալավանիի հաշվառման վայրի վերաբերյալ տվյալներ առկա չէ:

Քաղաքացի Ահադ Ալիոեզայի Կալավանիի սահմանահատումների պատմությունը ստանալու նպատակով՝ հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն՝ համաձայն որի քաղաքացի Ահադ Ալիոեզայի Կալավանիին 14.10.2022 թվականին ժամը 04:48-ին Ագարակ պետական սահմանի անցման կետով մուտք է գործել ՀՀ:

Այսպիսով, նյութերով պարզվել է, որ 2022 թվականի սեպտեմբերի 11-ին քաղաքացի Ահադ Ալիոեզայի Կալավանին, մաքսային հսկողությունից թաքցնելով, իր կողմից շահագործվող շահագործվող «PILSAN C7H-AT» մակնիշի, 93AA133/4 պետհամարանիշի բեռնատարով, ՀՀ մաքսային սահմանով տեղափոխել է ընդհանուր՝ 211 900 ՀՀ դրամ մաքսային արժեքով ապրանքներ, այսինքն՝ քաղաքացի Ահադ Ալիոեզայի Կալավանի կողմից թույլ է տրվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, Հարավային մաքսատուն-վարչության թիվ 331 մտից համարի տեղեկանքով: Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ, 206-րդ, 219-րդ, 221-րդ և 224-րդ հոդվածներով,

Ո Ր Ո Շ Ե Ց Ի

1. քաղաքացի Ահադ Ալիոեզայի Կալավանին (հասցե՝ ԻԻՀ, ք.Խոյ, Սաֆար Զադե փողոց, անձնագիր՝ Y48310255) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված վերոնշյալ ապրանքի մաքսային արժեքի չափով՝ 211 900 /երկու հարյուր տասնմեկ հազար ինը հարյուր/ ՀՀ դրամի չափով:

2. Որոշման մասին հայտնել քաղաքացի Ահադ Ալիոեզայի Կալավանին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ որոշումը կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. 900005024055՝ 211 900 /երկու հարյուր տասնմեկ հազար ինը հարյուր/ ՀՀ դրամ, նշել 30 կողը:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ

